

FILED

IN THE TRADITIONAL RIGHTS COURTS  
OF THE  
REPUBLIC OF THE MARSHALL ISLANDS

JUL 05 2012  
*[Signature]*  
ASST. CLERK OF COURTS  
REPUBLIC OF MARSHALL ISLANDS

MASAKI JACOB on behalf  
of his older brother Bob  
Meleran Jacob,

Plaintiff

vs.

REMIIOUS HERMIIOUS, .

First Defendant,

WILFRED KENDALL

Second Defendant

CIVIL ACTION NO. 2008-221

MELELE KO AN CASE EO

RO UAAN COURT PANEL EO: Walter K. Elbon, Chief Judge

Botlang Loeak, Associate Judge

Grace Leban, Associate Judge

RAN IN RONJAKE: APRIL 24 and 25, 2012

JIKIN RONJAKE EO: ULIGA MAJURO COURTHOUSE

WAWEN KO KAR KOMMANI:

1.(a)Kajjitok No. 1 einwot kar jakemantak: Won eo ian rein, Dri Abnono Jacob im Dri Jumae Abnono Kendall ej Alap non 25 weto ko ilo Wotje im Erkub atoll einwot an ellajrak ilo abnono eo?

(b) Uaak eo non kajjitok No. 1 WILFRED KENDALL

(c) Komelele ko ilo tu kadru ikkijen un ko non uaak eo an kajjitok No. 1 ej berber ioer:

Kein kamol eo ak exhibit B eo im Dri Abnono eo im Dri Jumae Abnono rej jimor erra kake ej kalikar bwe line ak ebeben eo Wilfred Kendall ej ellejrak e ej utiej lok jen line ak ebeben eo im Dri Abnono ro rej ellajrak ie.. Ilo kar nan in kamol ko an Iroiylaplap Remios Hermios ear ba bwe ej kile Wilfred Kendall bwe e eo ej Alap kio im ejimwe bwe en binej jenkwon Kendall ak jemen eo im ear alap eo eliktata ilo line ak ebeben eo an. Ilo nan in kean eo an, ak defendant exhibit A, eo im ear jeje ilo December 6 , 2005, ej ba bwe ej jemed woj eo eliktata ilo line ak ebeben eo an im ekkar non manit ko ad jen kile im kautiej e. Ejjelok kajjitok bwe elane Wilfred Kendall ej e eo eliktata ilo line ak ebeben eo an ekkar non menmenbwij eo an family in jen Lijelik, im laltak im bareinwot nan in kean eo an iroiylaplap Remious Hermious, innem maron eo an alap elkin an Wilfred Kendall jako ak mij enaj etal wot non ro tok ilalin im rej ber imantata ekkar non menmenbwij eo an Lijelik im family eo an ak kein kamol Defendant Exhibit No. B.

Dri Abnono eo Bob Meleran Jacob ilo nan in kamol ko an ear ba bwe ekkar bwe en e eo ej Alap ilo tore in. Un eo dreo ear ba ej kinke Wilfred Kendall ej kokajriri an Alap Kendall Lejon. Ilo an uaak kajjitok eo “Kendall Lojen ear lale Wilfred Kendall einwot juon lukkun nijin ke ak juon kajriri?” Ilo uaak eo an ear ba Kendall Lojen ear lale e einwot juon lukkun nejin. Wilfred Kendall ilo kar nan in kamol ko an ear ba bwe e ejjab kokajiriri ejjanin kar ron jen lellap eo jemen ke e ej kokajriri.

Panel eo an TRC eo ilo case in ej lo bwe ejabwe kein kamol non kamole bwe Wilfred Kendall ej kokajriri an Kendall Lojen. Line ak ebeben eo Wilfred Kendall ej ellajrak e ilo menmenbwij eo an Lijelik im family eo an ej utiejlok jen eo an Bob Meleran Jacob im ro jatin im nan in Kean eo an Iroiylaplap Remios Hermios me ear jeje ilo December 6, 2005 Court Panel in an TRC ej kile bwe ekkar bawe Wilfred Kendall ej e eo ej kabwijer maron eo an alap rainin ilo weto ko 25 ilo Wotej im Erkub atoll.

(d) Etan im adres ko an Dri Kamol ro an Dri Abnono im rar kamol  
ikkijen kajjitok No. 1:

(1) Bob Meleran Jacob

-

(e) Etan im address ko an Dri Kamol ro an Dri Juma Abnono im rar  
kamol ikkijen kajjitok 1 :

(1) Remios Hermios

(2) Wilfred Kendall

-

3. Men ko reaurok im pepa in kamol ko kar boki:

- (1) Plaintiff Exhibit A, Special Power of Attorney
- (2) Plaintiff Exhibit B, Menmenbwij eo an Lijelik im family eo an
- (3) Plaintiff Exhibit C, Pepa in Kalimur
- (4) Defendant Exhibit A, Irijlaplap Remios Hermios Kean Letter
- (5) Defendant Exhibit B, Menmenbwij eo an Lijelik im family eo an
- (6) Defendant Exhibit C, Authorization ilo kar 8/19/85

4. Men ko jet me panel eo ej tomak bwe rej aikuij walok:

- (1) Manne Jacob elane ear mour wot rainin, enaj kar jimwe bwe e eo en kar

alap bwe ej ber ilo line ak ebeben eo an Wilfred Kendall im erittolok jemen im jimman jen jemen im jimman Wilfred Kendall ekkar non menmenbwij eo ilo lajtrak eo laltak jen Lijelik. Plaintiff Exhibit C ej ba “Enaj (Manne Jacob) lali jikin kein non armej ro ao einwot manit ko ad”. Nan kein armej ro ao ej bar koba Wilfred Kendall. Defendant Exhibit C eo im Alap Kendall, Irojilaplap Murjel Hermios rar sign im Irojilaplap eo kio Remios Hermios ear kamole ej komalim Abta Lorennij eo me ejjab armej in jokein im Wilfred Kendall eo im ej bar armej in weto kein ak ejjanin ien an alap im eban kar elane Manne ej mour wot. Manne Jacob ejako ak emij im einwot ke Wilfred Kendall ej make wot eo emour ilo line ak ebeben eo an ekkar non defendant kein kamol Exhibit A im an menmenbwij eo kalirare, TRC Panel eo ej erra bwe Ejimwe bwe Wilfred Kendall ej e eo ej kabjer maron eo an Alap ilo weto ko ilo Wotje im Er kub einwot an ellajrak ilo abnono eo.


(2) Kannin Lujen: Juon ajrik eo me kar lale ak kokajririki einwot lukkun nejin. Ilo nan in kamol ko an dri abnono, Bob Meleran Jacob ear ba wot ke Wilfred Kendall ej kokajriri an Kendall Lojen im ear lale einwot lukkun nejin . Ear jab kwalok non court in won eo lukkun jemen ijellokin Kendall Lojen. Elane mol eo in bwe Wilfred Kendall ej kokajriri an Kendall Lojen im ear lukkun lale e einwot juon lukkun nejin innem elap an oktak wawen in jen wawen eo im *Amon v. Makroro 5TTR436* ej konono kake. Ilo kar nan in kamol ko an Irojilaplap Remios Hermios ear kwalok nan kein “Kannin Lujen” melelein ennwot lukkun nejin. Im einwot ke ej make wot ullepeir ilo line ak ebeben eo an innem maron eo ibben ejjab mojno ak ekajur. Irojilaplap eo eber maron eo ibben nan kwalok won eo ej alap elane ej loe im kile bwe ejimwe im jejet. Ilo case eo an Loeak v. Loeak ej konono wot kin maron eo an Irojilaplap em ejimwe bwe elane ejjelok botoktok in irojij innem koban bok ak kabwijer maron eo an irojilaplap ak title in irojij. Jabrewot armej emaron kabwijer maron eo an alap elane Irojilaplap eo ej kile bwe ejimwe im jejet.

Ran: \_\_\_\_\_



---

**PRESIDING JUDGE OF PANEL**  
**Traditional Rights Court**



---

**JUDGE OF THE PANEL**  
**Traditional Rights Court**



---

**JUDGE OF THE PANEL**  
**Traditional Rights Court**